

ՄՈՍԿՎԱՅԻ Մ.ԼՈՄՈՆՈՍՈՎԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆԻ  
ՄԱՍՆԱՃՅՈՒՂԻՆ ԿԻՑ Ա.ԵՐԻՑՅԱՆԻ ԱՆՎԱՆ ՎԱՐԺԱՐԱՆ

ԸՆԴՈՒՆԵԼՈՒԹՅԱՆ ԹԵՍՏ

ՀԱՅՈՑ ԼԵԶՈՒ (X-XII դասարան)

ՀԱՐԳԵԼԻ՝ ԴԻՄՈՐԴ

*Ընդունելության թեստը բաղկացած է 3 մասից:*

*I մասը գնահատվում է 10 միավոր, ընդգրկված է 5 հարց, յուրաքանչյուրը գնահատվում է 2 միավոր:*

*II մասը գնահատվում է 30 միավոր: Տրված բնագրի հիման վրա անհրաժեշտ է կատարել 15 առաջադրանք, յուրաքանչյուրը գնահատվում է 2 միավոր:*

*III մասում առաջարկվում է փոխակերպել տրված նախադասությունները և կազմել գծապատկեր: Առաջադրանքը գնահատվում է 10 միավոր. յուրաքանչյուր առաջադրանքը գնահատվում է 2 միավոր: Փոխակերպումներում թույլ տրված ուղղագրական կամ կետադրական յուրաքանչյուր սխալի համար հանվում է 0.1 միավոր, գծապատկերը կազմելիս նախադասությունը չհամարակալելու համար՝ 0.5 միավոր:*

*Խնդրում ենք ուշադիր կարդալ առաջադրանքները, գրել հստակ, առանց ջնջումների:*

*Առաջադրանքները կատարելու համար հատկացվում է 120 րոպե:*

# ՄԱՍ I

## ԱՌԱՋԱԴՐԱՆՔ 1. *Ըստ անհրաժեշտության լրացնել բաց թողած տառերը.*

Ակադեմ\_\_ա, ան\_\_թևան, ձվա\_\_եղ, որ\_\_ատունկ, վար\_\_բեկել, աղ\_\_ան, խոչ\_\_նդոտ, օր\_\_րոց, սերկ\_\_իլ, երբև\_\_:

## ԱՌԱՋԱԴՐԱՆՔ 2. *Վերականգնել տրված բառերի հնչյունափոխված արմատների անհնչյունափոխ տարբերակները.*

|                |                      |
|----------------|----------------------|
| Ընձուղտ _____  | Ուղղագրություն _____ |
| Թխամաշկ _____  | Հոգեվիճակ _____      |
| Արնաներկ _____ | Քննախույզ _____      |
| Պտտվել _____   | Ձգել _____           |
| Փտել _____     | Ստուգայց _____       |

## ԱՌԱՋԱԴՐԱՆՔ 3. *Տրված բառերն ըստ անհրաժեշտության գրել միասին, անջատ կամ գծիկով.*

Ընդ (ամենը), առ (այն), գլուխ (գործոց), ի (պատիվ), ըստ (որում), խառնի (ճաղանջ), գլուխ (գլխի), գեներալ (մայոր), ծայրից (ծայր), արևմուտքից (արևելք).

## ԱՌԱՋԱԴՐԱՆՔ 4. *Ընդգծել այն բաղադրյալ հատուկ անունները, որոնց միայն առաջին բաղադրիչն է գրվում մեծատառով.*

ՇԻՐԱԶԻ ԴԱՇՏ, ԳԵՂԱՄԱ ԾՈՎԱԿ, ԿԱՐՄԻՐ ԾՈՎ, ՀԱՅԱՍՏԱՆԻ ՆԿԱՐԻՉՆԵՐԻ ՄԻՈՒԹՅՈՒՆ, ԱՆԿԱԽՈՒԹՅԱՆ ՕՐ, ՀԱՂԹԱՆԱԿԻ ԶԲՈՍԱՅԳԻ, ԷԶՄԻԱԾՆԻ ՄԱՏԵՆԱԴԱՐԱՆ, ՍԱԽԱՐՈՎԻ ՀՐԱՊԱՐԱԿ, ԿՈՄԻՏԱՍԻ ԱՆՎԱՆ ԶԲՈՍԱՅԳԻ, ԱՂՍՏԵՎԻ ԿԻՐՃ:

## ԱՌԱՋԱԴՐԱՆՔ 5. *Կետադրել.*

Մի ուրույն աշխարհ է Սյունիքը: Թվում է երկիրն ստեղծելիս Աստված արարել է բոլոր գեղեցկությունները և ամենը հավաքվել է Հայաստանի այս շքեղ անկյունում քուլա-քուլա ամպեր ձյունապատ խրոխտ գագաթներին մերկ ժայռաբեկորներ կատարները միգապատ բարձունքներում արև որ ոչ մի տեղ այնքան պայծառ չէ ինչպես այս յուրահատուկ ինքնատիպ աշխարհում:

## ՄԱՍ II

### Կարդալ բնագիրը և կատարել 6-20 առաջադրանքները.

(1) Կարծում եմ՝ աշխարհում եղել է երկու քրիստոնյա. մեկը ինքը՝ Քրիստոսը՝ հրեա, մյուսը՝ մայրս՝ հայ: (2) Մայրս միմիայն մի գիրք էր կարդում՝ Ավետարանը, և հավատարիմ նրա պատվիրաններին՝ անտերունչ աղքատներին էր օգնում, հորիցս գաղտնի բարերարություններ անում՝ սատար լինելով դժբախտներին, անօթևան որբերին, սովալլուկ ու կեղեքված մարդկանց: (3) Գիշեր-ցերեկ աղոթում էր՝ մագաղաթյա սրբապատկերները սեղմելով լուսե երեսին, խոնարհվում Աստծո զորության առջև՝ մինչև ուղնուծուծը համակված հոգեկան անդորրությամբ: (4) Աղոթում էր հորս հոգու, երկվորյակ պանդուխտ եղբայրներիս, աշխարհի համար, և արցունքները գլորվում էին մարմարյա այտերով:

(5) Անփարատելի թախիծն է ողողում էությունս, երբ հիշում եմ այն աղեկեզ արտասուքները, որ կաթկթել են մորս աչքերից իմ պատճառով, և չի դադարում մրմռացնող ողբն իմ որբացած հոգում:

(6) Հրաշեկ արև էր մայրս՝ խարսյաշ, ոսկեվարս, ոսկեհնչյուն ելևէջներով:

(7) Խավարչտին գիշերն անէանում է, տարբալուծվում, և ես ըմպում եմ վարդերի բույրը, ինչպես մորս կաթը:

Ըստ Վ.Թորոլենցի

ԱՌԱՋԱԴՐԱՆՔ 6. 6-րդ նախադասությունից դուրս գրել 4 ածական.

---

ԱՌԱՋԱԴՐԱՆՔ 7. 3-րդ նախադասությունից դուրս գրել 2 անկախ դերբայ և որոշել տեսակը.

---

ԱՌԱՋԱԴՐԱՆՔ 8. Տեքստից դուրս գրել տրական հոլովով դրված 4 գոյական.

---

ԱՌԱՋԱԴՐԱՆՔ 9. 5-րդ նախադասությունից դուրս գրել 2 շաղկապ, 2 դերանուն.

---

ԱՌԱՋԱԴՐԱՆՔ 10. Որոշել 5-րդ նախադասության կաթկթել են բայի եղանակը, ժամանակաձևը, դեմքը, թիվը.

---

ԱՌԱՋԱԴՐԱՆՔ 11. 4-րդ նախադասությունից դուրս գրել 1 ենթակա և ստորոգյալ.

---

ԱՌԱՋԱԴՐԱՆՔ 12. 7-րդ նախադասությունից դուրս գրել 1 ուղիղ խնդիր, 1 որոշիչ.

---

ԱՌԱՋԱԴՐԱՆՔ 13. 2-րդ նախադասություններից դուրս գրել դերբայական դարձվածի 1 օրինակ և նշել, թե ինչ դիրքով է դրված.

---

ԱՌԱՋԱԴՐԱՆՔ 14. 2-րդ նախադասություններից դուրս գրել բացահայտչի և բացահատյալի 1 օրինակ և նշել բացահայտչի տեսակը.

---

ԱՌԱՋԱԴՐԱՆՔ 15. Տեքստից դուրս գրել տեղի պարագայի 2 օրինակ.

---

ԱՌԱՋԱԴՐԱՆՔ 16. Նշել, թե 6-րդ և 7-րդ նախադասություններից ո՞ր նախադասությունն է բարդ.

---

ԱՌԱՋԱԴՐԱՆՔ 17. 6-րդ և 7-րդ նախադասություններից դուրս գրել բաղադրյալ ստորոգյալի 1 օրինակ.

---

**ԱՌԱՋԱԴՐԱՆՔ 18.** Անտերունչ բառի համար գրել 1 հականիշ.

---

**ԱՌԱՋԱԴՐԱՆՔ 19.** *6-րդ նախադասությունից դուրս գրել հետադաս որոշյի 1 օրինակ.*

---

**ԱՌԱՋԱԴՐԱՆՔ 20.** *Հստ կազմության ինչպիսի՞ն է աղեկեզ բառը.*

---

### ՄԱՍ III

|                                                                                                                                              |
|----------------------------------------------------------------------------------------------------------------------------------------------|
| <p><b>ԱՌԱՋԱԴՐԱՆՔ 21.</b> <b>ՓՈԽԱԿԵՐՊԵԼ ՏՐՎԱԾ ՆԱԽԱԴԱՍՈՒԹՅՈՒՆՆԵՐԸ,</b><br/><b>ԿԱԶՄԵԼ ՏՐՎԱԾ ՆԱԽԱԴԱՍՈՒԹՅԱՆ (ԱՌԱՋԱԴՐԱՆՔ 21.5) ԳԾԱՊԱՏԿԵՐԸ:</b></p> |
|----------------------------------------------------------------------------------------------------------------------------------------------|

**ԱՌԱՋԱԴՐԱՆՔ 21.1** *Բարդ նախադասությունը փոխակերպել պարզի.*

ա) Այս գործն այսօր այնքան ժամանակավրեպ է, որ երիտասարդության շրջանում չունի գրեթե ոչ մի ընթերցող:

---

---

բ) Նա համառորեն խնդրեց Անդրանիկին և Մելիքյանին, որ գոնե մի բաժակ գինի խմեն:

---

---

**ԱՌԱՋԱԴՐԱՆՔ 21.2** *Պարզ նախադասությունը փոխակերպել բարդի.*

ա) Վերադառնալով հայրենիք՝ հայոց արքան ձեռնամուխ է լինում ավերված տաճարի կառուցմանը:

---

---

բ) Այս թուղթը տանողները Քրիստոսին պատահեցին Երուսաղեմում:

---

---

---

**ԱՌԱՋԱԴՐԱՆՔ 21.3 Ուղղակի խոսքը փոխակերպել անուղղակի.**

ա) –Ես բարձանում եմ վեր,- ասաց փոքրիկ ծառը:

---

---

---

բ) –Ընդունում եմ քո ասածները,- պատասխանեցի ես:

---

---

---

**ԱՌԱՋԱԴՐԱՆՔ 21.4 Անուղղակի խոսքը փոխակերպել ուղղակի.**

ա) Մեղուն ասաց, որ իր նախորդ կյանքում ինքը ծաղիկ է եղել:

---

---

---

բ) Վիրավորը խնդրեց զինվորին, որ նա ասի իրեն, թե որտեղ է ինքը:

---

---

---

**ԱՌԱՋԱԴՐԱՆՔ 21.5 Կազմել տրված նախադասության գծապատկերը (համարակալել նախադասությունները).**

Ֆրանսիայի գեղատեսիլ այդ անկյունը հեռու է կենտրոնական ճանապարհներից, ապրում է մեկուսի, խաղաղ կյանքով, փոխած է ճերմակաթույր մարգարտածաղիկներով ծածկված մարգագետինների վրա: